



Minister di Husticia na SPA:

“Den rapport a determina cu no tin schimmel”

Pagina 4

- **Elmar ta inverti den vehiculonan electrico**
Pagina 2
- **Minister Glenbert Croes: Ecuador tin boluntad pa coopera cu Aruba**
Pagina 3
- **Minister di Finanzas a reuni pa ultimo biaha cu Sr. Raymond Gradus**
Pagina 7

Muchanan di scol a celebra Dia di Betico



Pagina 13

Adrienne Jacobs a keda eligi como Aruba su Reina di Carnaval 69



Pagina 14

Haiti: Ta secuestra autobus di pasahero cu tabata regresa pa Republica Dominicana



Pagina 11

Pa aumenta eficiencia y sostenibilidad, Elmar ta inverti den vehiculonan electrico

Elmar ta invertiendo den instalacion di 'charging stations' pa vehiculonan electrico rond Aruba y alabes a inicia un transicion di flota di compania pa vehiculonan electrico, segun loke a wordo informa por medio di un comunicado.

Nan a señala cu ta invertiendo den vehiculo electrico pa bira un organisacion mas eficiente, unda vehiculonan electrico ta spaar entre 70-80% na costo di fuel y di mantencion. E ta provee un grado halto di conveniencia, y alabes e inversion aki ta cuadra cu e strategia financiero di e compania pa baha costo operacional.

Ademas ELMAR ta orguyoso pa anuncia su compromiso pa bira un organisacion "car-



bon neutral", considerando cu transporte ta un di e causanan mas grandi rond mundo di "CO2 emission". Nan

ta compronde e importancia pa reduci "carbon footprint" y promove transporte sostenibel. Pa es motibo, Elmar,

conhuntamente cu Utilities Aruba, a tuma e iniciativa pa inverti den e proyecto "Decarbonization Pathway" pa reduci e "CO2 emission".

an, pero nan ta determina pa haci'e un exito. P'esey e prome 2 aña a instala chargers riba tereno di Elmar mes, pero pa 2023 lo cuminsa pone EV ChargeUp stations na negoshinan riba terenonan cu no ta di Elmar, pues lo mester traha riba un modelo di negoshi "business model" nobo pa asina por logra esaki.

Den ultimo 3 aña, Aruba a conoce un crecemento di vehiculonan electrico cu ta un tendencia innovativo pa Aruba, como un compania vital di Aruba cu ta encarga cu distribucion di coriente, Elmar tin e responsabilidad pa instala chargers pa vehiculonan electrico rond di Aruba, unda te cu awor, Elmar a instala 9 charging stations y a inverti den 6 vehiculo electrico pa nos flota di compania.

Na Hulanda e uso di vehiculonan electrico a crece substancialmente y Gobierno di Hulanda ta trahando riba un plan pa 2030 unda tur auto nobo cu subi caminda publico no por tin "CO emission" mas, es decir cu tur auto mester ta sostenibel. Pa Aruba esaki ta keda dificil ainda, principalmente pa motibo cu mester tin alocacion di vehiculonan electrico nobo na nos agencianan di auto na Aruba. Pa stimula esaki, Elmar ta den proceso pa crea e infraestructura di EV ChargeUp Stations rond di Aruba.

E proyecto aki a cuminsa na 2021 cu instalacion di "Level 2 Chargers", canando den e bon direccion pa asina cumpli ("compliance") cu e 'Paris Agreement' cu a wordo aproba door di Parlamento di Aruba na 2016.

Durante 2022 nan a instala 5 EV ChargeUp stations na diferente localidad, manera Setar di Palm Beach, MFA Noord, Local Store Palm Beach, Elmar Oranjestad y Rotonde di Pos Chikito.

Desde 1 di december 2022, Elmar a lansa e proyecto piloto EV ChargeUp pa asina brinda participantenan e posibilidad pa cuminsa haci uso di e chargers aki di ELMAR rond di Aruba. EV ChargeUp stations ta situa na localidadnan conveniente y facilmente accesibel pa publico na unda e intencion ta pa tin disponibilidad di chargers na localidadnan strategico pa asina por haci uso di esakinan den un forma mas eficiente cu ta posibel.

Pa 2023, Elmar lo continua cu instalacion di mas chargers cu ta inclui "Level 3 Fast Chargers", pa asina brinda un servicio hopi mas lihe unda cu lo por charge un vehiculo casi completamente den 30-45 minuut y alabes lo sigui inverti den vehiculonan electrico pa nan flota di compania den e proximo añanan pa asina contribui na e proceso di "decarbonization".

Cu esaki, nan ta invita nos comunidad pa uni cu nan den e trayecto pa un futuro hopi mas eficiente y sostenibel, door di uza EV ChargeUp Stations y scogiendo vehiculonan electrico como medio di transporte.



Minister Glenbert Croes tocante su biahe pa Ecuador:

“Durante e reunion a sali e boluntad di gobierno di Ecuador y su minister di coopera cu e solicitud di Aruba”



Durante su prome conferencia di prensa pa e aña aki, minister di Labor, Energia y Integracion Glenbert Croes a anuncia e resultadonan di e biahe cu el a wordo haci pa Ecuador.

Manera a wordo splica aña pasa, Minister Croes a bay na Ecuador y a reuni cu e minister den e tempo ey cu e proposito di baha prijs di awa y coriente buscando posibilidad y oportunidad pa acuerdonan cu por logra yuda benefica e pueblo cu e reduccion di prijs di awa y coriente.

Di esaki, el a comenta cu a ricibi conseho en bista cu Ecuador su companianan nacional di petroleo ‘Petroecuador’ ta suministrando caba Heavy Fuel Oil (HFO) pa Aruba for di varios aña pasa pero e acuerdo ey ta pasa via dos intermediario “y ora cu bo por elimina intermediarionan pa Refineria di Aruba y FMSA cumpra direct na Petroecuador sin intermediario, ya eynan caba bo ta bay logra un costo di Heavy Fuel Oil hopi mas barata cu loke actualmente ta wordo paga pa Aruba y pa e por wordo pasa pa WEB pa por baha e prijsnan,” Minister Croes a sigura.

Den WEB su estructura di costo pa produccion di awa y coriente, e HFO ta un componente grandi manera el a sigura, ora cu lo logra un miho prijs, un bon descuento y no loke pueblo ta pagando na e momentonan aki, FMSA ta bay yuda door di logra un miho acuerdo, esey ta e meta. Minister Croes tambe ta sigura cu e ta comparti e preocupacion cu tin cu entre otro, costo di bida na Aruba ta halto “baha prijs di awa y coriente ta un di e componentenan

cu ta fundamental pa nos por logra alivia e costo di bida pa henter nos comunidad.”

Despues di e prome bishita unda e minister encarga cu e cartera aki na Ecuador a wordo cambia, embahada di Hulanda na Lima, Peru hunto cu consulado general di Hulanda na Ecuador a haci e maximo esfuerzo pa por a continua cu e posibilidad di haya un di dos reunion.

E di dos reunion a tuma luga unda cu Minister Croes hunto cu Edison Briesen, presidente di hunta di comisario di Refineria di Aruba y conseho di gobierno riba e tema aki a bay Ecuador pa reuni cu e minister nobo di Energia y Mina, Fernando Santos Alvite, hunto cu e vice-minister di hidrocarburo, Ruben Dario Espin Zapata, na unda nan a wordo acompaña pa e consul general na Ecuador Dr. Diego Alveira Guzman y Minister Croes a gradici e apoyo diplomatico di Hulanda cu ta instrumental pa habri e portanan.

Durante e reunion a sali dilanti e boluntad di gobierno di Ecuador y su minister di coopera cu e solicitud di Aruba pa nan por logra un relacion directo entre e companianan nacional cu ta Refineria di Aruba y FMSA pa por cumpra e combustibel cu WEB tin mester sin cu mester pasa via intermediario, “nan a expresa cu esey ta e intencion di nan, nan lo desea pa companianan nacional of di Estado no tin modo di usa intermediario, unda pueblo di Aruba por spaar masha hopi placa,” Minister Croes a declara.

Door di Refineria di Aruba y FMSA ta pertenece na Gobierno di Aruba, e minister a urgi pa Petroecuador laga e companianan aki participa den un tender como cualkier otro compania priva cu negociacionnan directo, buscando terminonan husto tanto pa Ecuador como pa Aruba.

Igualmente el a informa cu nan ta buscando cooperacion riba e terminal di tankinan na unda nan tambe a acerca Flotas Petroleras del Ecuador (Flopec), ken ta e compania cu ta transporta tur producto di crudo di Ecuador y den esaki tambe nan a acerca Petroecuador den e proceso pa reactiva loke ta e “good assets” di refineria, di un tecnologia limpi y no cu HFO

mientras cu lo wordo haci e transicion di fosil fuel unda el a sigura cu ekiponan bieu di refineria lo wordo reemplasa. El a splica cu nan ta bin trahando riba Eagle LNG su facilidadnan, pa lo cual el a sigura cu esey ta bayendo “biento en popa” y p’esey nan ta haci e acercamento cu Ecuador pa reactiva e patio di tanki y e terminal di refineria y tambe FMSA ta invertiendo den mehora su infraestructura y asina ey por offload gasolin, diesel, jetfuel y HFO.

“Bao di ningun circunstancia nos ta bay permiti pone na riesgo e seguridad di energy supplies pa nos pais, pa nos economia, RDA a traves di su board, a traves di sugerencia y tambe riba recomendacion di Gobierno di Aruba nos a urgi pa todo por todo wordo haci pa seguridad y integridad di infraestructura energetico na RDA,” Minister Croes a sigura.

Di mesun manera, el a trece dilanti cu ohala tur e placa cu a wordo poni pa Citgo por a wordo inverti mientras cu tabatin placa destina pa inversion di infraestructura di e refineria: “ora cu Citgo a bin, nan a pone placa grandi



disponibel riba Refineria di Aruba pero el a wordo chica, malgasta, e no a wordo inverti den infraestructura di e refineria y ora cu nan a sali y nan a bay, e situacion a keda desafiante y dificil, pero nos lo sobrevivi”.

El a anuncia tambe cu na luna di februari Utilities N.V y Refineria di Aruba N.V nan ta bay Hulanda pa por firma un Memorandum of Understanding (MoU) pa e desaroyo di Aruba Hydrogen Valley cu segun el a anuncia, ta bay ta e prome den Caribe pa asina ey tambe designa e zona di refineria cu lo wordo destina pa proyectonan energetico y e zona di refineria lo bira e parke industrial di industria di energia na Aruba.





Feliz Dia di Betico

En conexion cu Dia di Betico nos oficinanan lo ta cera riba diaranson 25 di Januari 2023.



Den caso di emergencia, por yama libremente nos Storingsdienst na 523-7147.

*Minister di Husticia ta reacciona ariba comunicado di sindicato SPA***“Den rapport a determina cu no tin schimmel”**

Den un carta dirigi na e presidente di Sindicato di Polis Aruba (SPA), Sr. Rodney Solognier, data 22 di januari 2023, Minister di Husticia, Rocco Tjon, a reacciona ariba e comunicado di prensa recien di SPA caminda ta vocifera nan malcontento ariba diferente punto y ta pidi atencion di minister pa soluciona esakinan.

Minister Tjon den su respuesta a elabora ariba shete punto cu sindicato SPA a trece pa dilanti den nan comunicado pa, segun minister, rectifica y brinda informacion corecto ariba e puntonan aki.

E prome punto cu Minister Tjon a elabora riba dje ta reduccion di salario. Riba esaki minister a informa cu conforme palabracion cu Gobierno di Reino, e tema aki lo wordo trata den e proximo Consejo di Minister dia 27 di januari.

El a agrega cu ya caba gobierno ta haciendo e preparacionnan pa paga e subsidio completo di vakantie, esta vakantiekuitkering, na tur funcionario den luna di juni, como tambe e primanan completo den augustus y no-



vember. El a splica cu conforme e marco legal, e eliminacion di e recorte di 50% di e vakantiekuitkering y primanan a keda formalisa cuminsando dia 1 di januari 2023 y e reserva di impuesto salarial ariba e vakantiekuitkering 2023 tambe a drenta na vigor ariba e me-

sun fecha. Pero esaki ta trece cune cu pa e proximo seis luna, lo retene un poco mas di loonbelasting pa por paga e vakantiekuitkering completo.

Otro punto cu e sindicato a referi na dje den nan comunicado ta e politica di enfermedad. Minister Tjon a señala

cu e politica actual di enfermedad ta bay back na añanan 90, pero durante añanan varios cambio a wordo realisa pa cu e forma con ta gestiona e politica aki.

El a aclaria cu na 2015, ex-Minister di Finanzas e tempo ey, Sr. Bermudez, ta esun a cu anuncia e cambionan pa e politica aki y a accentua cu e politica aki no a wordo introduci door di su persona.

El a agrega cu na final di año pasa, su persona a reuni cu e presidente di SPA y DRH pa discuti e promocion di algun agentenan policial, pero un cantidad halto di ausente a perhudica e promocionnan aki.

Pa loke ta trata e situacion di schimmel na e wardanan di polis di San Nicolas y Playa cu KPA ta lidiando cune, Minister Tjon a indica cu ya caba a discuti e tema aki y a yega na acuerdonan pa por evita e problemanan aki.

El a remarca cu pa e motibo ey mes, limpieza regular door di e un compania specialisa ta hopi importante y el a agrega cu nan a tuma medida, a haci estudio y a publica un rapport independiente cu tur e resultadonan. Den e rapport aki a keda determina cu no tin schimmel manera nan ta indica.

Na mesun momento, Minister Tjon ta haci yamada na e presidente di SPA pa nan

traha riba un solucion den conhuntio y si den caso cu e agentenan policial lo desea di bandona e edificio y busca otro edificio adecua, nan lo por haci esaki y lo conta cu e minister su cooperacion.

Referiendo na e indicacion di SPA caminata ta menciona cu e situacion aki tin algun año caba ta sosodiendo na Warda di Polis Oranjestad, e Minister di Husticia a recorda cu e edificio na Wilhelminatrstraat 31-33, a wordo gehuur durante Gabinete Eman II (augustus 2015).

Pero recientemente, na momento di extende e contract di huur, mirando e diferente desaroyonan y puntonan di atencion, e minister a subraya cu e tabatin un periodo di notificacion mas cortico inclui. Esaki mas tabata pa duna KPA e oportunidad di cambia di edificio si asina nan tabata desea. Esaki no tabata e caso anteriormente.

El a enfatisa cu manera el a informa caba na e lidernan di Cuerpo Policial, e ta buscando otro edificio adecua, pero na mesun momento e ta wardando tambe pa e lidernan di Cuerpo Policial y sindicato SPA presenta un propuesta concreto.

Den su carta, Minister Tjon ta reacciona ariba otro puntonan cu e sindicato a trece a pa dilanti. Den nos siguiente edicion lo elabora ariba esakinan.

**Dia 25 di januari, nos ta sera**

- Dia 26 di januari nos ta habri di 7 am - 4 pm
- Oficina ta habri 7:30 am

Nos Fey pa Bo!

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Refineria y Cannabis tin...

En comun: huma...

Nos no a kere cu algun dia nos Promer Ministro por a logra saca e palabranan ey for di su garganta: "No mester conta cu e refineria mas, e ta pa pasado." Asina nos ta conclui un periodo di mas di 10 aña di tempo perdi, pasobra ningun di e dos partidonan grandi tabatin e curashi pa reconoce cu e tempo aya caba, e epoca di petroleo a yega na su final. Un aña despues di clausura di e refineria, na 2013, Camara di Comercio a tuma rienda pa indica un direccion nobo y a organiza un simposio tocante un alternativa pa e refineria. E disgusto cerca e gobierno democrata cristian e tempo ey tabata asina grandi cu ningun politico ni ambtenaar liga na partido a bishita e evento. Di e actual partido grandi no a tende nada tampoco y den e decada despues ambos partido tabata pusta cu otro ta ken por gaba mas kico nan ta bay haci cu e refineria. Tur esey a resulta un ridiculidad pasobra nan tabata sa masha bon con e situacion internacional y regional tabata. Ta hustamente e medio di comunicacion aki cu durante e añanan ey continuamente a trece e informacion veridico dilanti, di e situacion internacional adverso cu no solamente a pone un paro na cualkier ilusion tocante refineria na Aruba, sino tambe na e otro islanan cu tabata aspira reactiva nan industria petrolero. Ora un ciudadano individual ta desea di kere den algo no realistico e ta afecta su mes y talvez algun mas den su alrededor. Ora gobernantenan ta keda bisa cos di cual nan por sa masha bon cu loke nan ta bisa no ta cuadra cu realidad y ta guia henter un pais den un direccion erroneo, con nos kier yama esey?

Pa colmo, algun di esnan cu a cuminsa mira cu petroleo ta pa pasado, a dicide di promove cultivo di cannabis. Aki atrobe tabata necesario pa bay contra e tendencia di glorifica e perspectivanan supuestamente maraviosos di e negoshi, pasobra informacion obhetivo y mas amplio di e sector aki tabata indica nos algo otro cu loke e profetanan aki di noticia economico barata tabata vocifera. Con bo kier ignora tur e condicionnan adverso di clima y otro precondition na nos pais, loke semper a limita agricultura y horticultura, compara cu otro territorio regional, pa predecir un crecimiento espectacular cu segun documento cu nos redacciona a haya pa mira, lo a duna gobierno di Aruba un entrada di belasting di sigur 200 miyon florin pa aña... Por favor señores, e suma ey, si e ta realistico, ta supone un benta di por lo menos mil miyon florin pa aña. Finalmente, nos tur sa unda e soño aki, cu ta comparti cu un refineria e huma cu supuestamente lo sali di ambos, di diferente holor y

calidad, esey si, a bay termina.

E pregunta mas general ta kico realmente nos mester haci ora gobierno(nan) ta bin cu e tipo di idea idiota aki, di cual nos sa di antemano cu nan ta basa riba huma, o loke a huma, pero no tin relacion cu e realidad manera e ta presenta grandemente pa tur esnan cu ta desea di informa nan mes debidamente.

E siguiente pregunta ta kico nos mester haci cu gobierno(nan) cu ta haya ta bon pa durante un decada completo tuma pueblo haci cu fabula bashi, mientras por a usa e tempo ey pa realmente busca alternativa cu tin sentido. No cu esey ta asina facil pero en todo caso por a dedica tur esfuerzo y recurso na esey. Y ora ta sali en busca di alternativa, ta necesario corda bon cu e requisito primordial ta cu un actividad exitoso mester amplia nos base di exportacion, es decir ta gana divisa cu nos mester pa paga nos importacion cu ta casi 100% di loke nos ta consumi. Actividad cu tin un componente halto di producto o servicio necesario pa realiza produccion, sin cu ta gana divisa, por genera algun empleo pero ta percura pa un diversificacion limita.

Nos ta na altura cu na e momento aki tin intento pa trece un alternativa energetico, cu por haya su base riba tereno di refineria. No ta papia solamente di LNG, sino tambe di produccion di hidrogeno. Por explora tur esaki pero ta importante pa tene na mente cu produccion alternativo di energia cu nos mester riba su mes no ta amplia e base economico, sino ta haci esun existente mas resiliente, mihor prepara pa futuro, pero no necesariamente ta amplia e base economico cu nos a caba di menciona. Den e caso di LNG nos a yega di splica na varios ocasion cu nos ta laat cu nos ambicion di ta un 'player' mayor den region. Hidrogeno ta un tecnologia den desaroyo, di cual ta dificil pa bisa kico por ta nos bentaha comparativo actualmente, pero por ta obheto di investigacion. Y cu investigacion serio nos no ta referi na cualkier pirata cu via via ta bin bebe koffi na Bestuurskantoor, despues di cual tur porta ta dal habri, sin cu sa drechi di unda nan a cay. Loke Aruba mester den e proximo tempo no ta cuadra cu e maneho, cu ta varia segun e amigonan den exterior cu ta recomenda tal o cual mercante cu tin 'cos pa bende cu nos'. E continuacion di e tipo di politica oportunista aki no ta cuadra cu planificacion drechi, motibo pa cual nos no ta mira planificacion ta crece raiz na e pais aki. Y asina nos ta bay logra algo pa 2030?

Minister Geoffrey Wever:

Proteccion di consumidor ta fundamento di un economia duradero



Recientemente Minister di Asuntonan Economico, Comunicacion y Desaroyo Sostenibel, mr. Geoffrey Wever, a ricibi bishita di mr. Dr. Carlos Bollen di Universidad di Aruba pa un intercambio di idea over di proteccion di consumidor.

Vision di ministerio di Asuntonan Economico, Comunicacion y Desaroyo Sostenibel

ta un consumidor consciente y critico. Pa garantiza e meta aki ta esencial proteha derechonan di consumidornan.

Den un intercambio ameno, minister Geoffrey Wever y Sr. Carlos Bollen a elabora riba con na un manera efectivo lo duna contenido na e proteccion legal di e consumidornan riba termino corto y largo. Meta primordial ta pa e consumidor ta informa di su

derechonan. Banda di e rol di gobierno den e proteccion legal di consumidor tambe a papia over di e importancia di tin un Consumertenbond den practica pa por enfora activamente e derecho di consumidor.

Minister Geoffrey Wever kier a gradici Sr. Carlos Bollen pa su bishita y ta spera di por sigui conta cu su exper-ticio riba proteccion di nos consumidornan.

Advertorial

CMB a entrega donacion di Urataka Run & Walk 2023



Menos di un siman despues di e exitoso careda Urataka Run & Walk 2023, orguyosamente Caribbean Mercantile Bank N.V. (CMB), como patrocinador oficial, a haci entrega di donacion na dos (2) instancia di e comunidad di Santa Cruz y un (1) grupo di boluntario activo. Ta trata di Stichting Ambiente Feliz, Grupo Maria Auxiliadora - Het Arubaanse Padvindsters Gilde, y Volunteer Motor Unit Aruba.

Loke ta un tradicion deportivo masha spera den e promediano di januari, Urataka Run & Walk a nace 25 aña pasa cu e fin di fomenta movencion fisico y pa contribui na comunidad. Pa ambos motibo CMB ta hopi contento di por forma parti di dje sosteniendo e organizacion, loke na su luga ta yuda pa mas fondo ta bay bek caminda tin mas mester di dje. Diabierna 20 di januari a tuma luga na sede di CMB na Caya G.F. Betico Croes e momento pa entrega di donacion. Esaki tabata den man di representantenan di gerencia, Sr. Roberto Dijkhoff, Sra. Natalie de Cuba, y Sr. Gavril Mansur. Cada instancia di barrio di Santa Cruz a ricibi un suma di cinco mil florin. E prome tabata Stichting Ambiente Feliz, un organizacion cu ta existi pa mas di 35 aña.

Ta trata directamente cu persona cu limitacion fisico y mental y nan famia, el-

evando nan calidad di bida y fomentando un trato husto y cu respet den nos comunidad. Entre e facilidadnan di Santa Cruz y San Nicolas, Ambiente Feliz ta un resguardo vital pa mas menos 24 cliente. Siguiendamente a ricibi representantenan di Grupo Maria Auxiliadora - Het Arubaanse Padvindsters Gilde. Esaki ta un grupo di scout pa mucha muhe cu a lanta diez aña pasa, e unico den Santa Cruz, cu e meta di empodera y desaroya mucha muhe como miembro balioso di comunidad. Actualmente ta conta cu 24 scout activo, ademá di cuarenta otro miembro.

Por ultimo, pero sigur no menos relevante tabata esunnan di Volunteer Motor Unit Aruba (VMUA). Esaki ta otro grupo cu tin diez aña di existencia y ta brinda un contribucion importante na comunidad. VMUA ta consisti di mas of menos 20 miembro cu semanalmente ta pone nan tempo y motorcycle disponibel pa duna un nivel adicional di seguridad na careda y otro eventonan rond di e isla bou guia di Cuerpo Policial di Aruba. CMB ta gradici organisadornan di Urataka Run & Walk pa permiti e colaboracion fructifero aki specialmente na e Stichting Ambiente Feliz, Grupo Maria Auxiliadora y Volunteer Motor Unit Aruba ya cu a traves di nan vocacion pa sirbi prohimo, nan ta un ehempel pa tur otro ciudadano. Hopi exito den futuro.



Caribbean Speed Printers N.V.

Relaciona cu Celebracion di Dia di Betico Ta participa cu **NO** lo tin edicion regular di Bon Dia y Aruba Today riba diaranzon 25 di januari, 2023.

Felis dia di Betico

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diahuebs 26 di januari pa por fabor entrega esaki no mas laat cu diamars 24 of via email: aviso@bondia.com, prome cu 5 or di atardi

Gerencia



AWE

MINI MEGA MEGA PLUS

Awo cu 2 florin mas, bo por gana e

***Afl. 1.900.000,-**

***Afl. 1.300.000,- + Afl. 600.000,- extra**

Benta ta sera 7:30 pm y sorteo ta hunga 7:45 pm

HUNGA AWO

LoTo

Minister di Finanzas a reuni pa ultimo biaha cu Sr. Raymond Gradus como presidente di CAft

Diabierna ultimo, minister di Finanzas, **Xiomara Maduro** hunto **Minister President** a reuni pa ultimo biaha cu **Sr. Raymond Gradus** como **Presidente di CAFT**, ya cu dentro di poco CAFT lo conoce un **Presidente nobo**.

Durante e reunion den presencia di Sra. Hellen van der Wal, representante di Aruba den CAFT, Sr. Gradus a repasa e añanan di supervision

financiero tras di lomba den cual a traha hunto cu Gobierno di Aruba na bienestar di Pais Aruba. Tabata añanan cu a mira avance, pero tambe retonan grandi compana pa un pandemia sin precedencia y awor un recuperacion atrobe den bon direccion.

Pa e ocasion Sr. Gradus a presenta e mandatarionan cu su buki 'Reflecties op zes jaar Financieel Toezicht,' den cual ta para keto na, entre

otro, e supervision financiero na Aruba cu ta wordo mira como un 'uitdagende reis.' E buki ta contene un compilacion di e charlanan cu Sr. Gradus a tene na diferente Paisnan den Reino Hulandes cu ta cay bou supervision financiero di Hulanda.

Minister Maduro ta gradici Sr. Gradus pa su trabou haci pa Aruba y ta dese'e hopi exito den su otro trabaonan na Hulanda.



Prome Minister Wever-Croes ta contesta sindicatonan riba nan peticion pa aclaracion acerca di e recorte di 7.6%



Dia 20 di januari Prome Minister Evelyn Wever-Croes a ricibi carta di sindicatonan cu peticion pa aclaracion riba e tema di recorte di 7.6% di salario. A traves di un carta cual a dirigi na sindicatonan dia 23 di januari, Prome Minister a contesta sindicatonan basa riba palabracionnan haci cu Gobierno di Reino.

Segun un comunicado di gobierno, Prome Minister Wever-Croes a splica cu e tema di recorte di 7.6% lo ta riba agenda di Consejo di Minister di Reino di 27 di januari proximo. Pero ya caba, Gobierno di Aruba a cuminsa haci tur preparacion pa na juni

2023 paga e vakantie-uitkering completo y e premies di augustus y november. Pues Aruba ya a tene cuenta cu e fondonan aki den presupuesto 2023.

Premier Wever-Croes a sigui splica cu e base legal pa por stop e inkorting di e 50% di vakantie-uitkering y di e premies tambe a wordo formalisa entrante 1 januari 2023. Ademas a cuminsa retene e extra loonbelasting cu mester retene pa percura cu e vakantie-uitkering ta wordo paga completo, pues 100% y sin cu ta kita belasting for di dje. Esaki manera cu tabata bin ta tuma luga e ultimo añanan, Prome Minister Wever-Croes a expresa. Esaki por nifica cu den e siguiente lunanan, e trahado lo bay paga poco mas di loonbelasting, pa asina e por haya e vakantie-uitkering na juni, sin cu ta tene impuesto riba dje.

Mas informacion acerca di e topico aki ta disponibel riba e website di DRH. Premier Wever-Croes ta dispuesto pa reuni cu sindicato riba e tema aki den caso cu tin tin e necesidad pa mas aclaracion.

De Stichting Ziekenverpleging Aruba is op zoek naar een

Lid Raad van Toezicht met portefeuille medische zorg

De Stichting Ziekenverpleging Aruba (SZA) is exploitant van het Horacio Oduber Hospital, het enige hospitaal van Aruba. Als lid van de Raad van Toezicht van SZA bent u tevens toezichthouder van de Fundacion Servicio Laboratorio Medico Aruba, exploitant van LabHOH, en de Stichting Bloedbank Aruba.

Het lid dient inhoudelijk brede kennis van en ervaring in de zorg (bij voorkeur medicus) te hebben. Dat wil zeggen kennis van strategische vraagstukken die in de zorg in het algemeen en ziekenhuizen in het bijzonder spelen en gevoel voor dat soort organisaties (met professionals) en hun politieke en maatschappelijke context. Dat lid dient in staat te zijn om ondanks de eigen specialisatie een onafhankelijke visie te hebben, om zo zijn/haar brede kennis en inzichten optimaal ten dienste te kunnen stellen aan de Raad van Toezicht en de Raad van Bestuur.

Voor meer informatie verwijzen wij u naar www.arubahospital.com/about-hoh/supervisory-board/ voor de uitgebreide profielschets.

Voor nadere informatie kunt u contact opnemen met de heer Anthony G. Croes, voorzitter, via mobiele nummer (297) 592 1011. U kunt uw sollicitatiebrief en CV vóór 31 januari 2023 e-mailen naar acroes@plusaccountants.com. Een assessment kan deel uitmaken van de selectieprocedure. Uw sollicitatie wordt vertrouwelijk behandeld.

Ministernan di husticia ta sigui fortaleza colaboracion

(The Daily Herald)—**Ministernan di husticia di Hulanda, Aruba, Corsou y Sint Maarten a topa na Aruba diaranson siman pasa pa discuti diferente topiconan pa mehora e sector di husticia y migracion den sentido general.**

Ministernan Dilan Yeşilgöz-Zegerius di Hulanda, Rocco Tjon di Aruba, Shalten Hato di Corsou y Anna Richardson di Sint Maarten a reuni pa prome biaha desde e pandemia di Covid-19. Aruba a anfitriona e Consulta Hudicial di e Cuarto Paisnan (JVO).

Colaboracion ta esencial pa servicionan di inmigracion keda funciona bon den e paisnan di Reino. E cuatro paisnan ta traha cerca cu otro pa combati crimen. Yeşilgöz-Zegerius, ken tambe ta responsabel pa husticia na Boneiro, Sint Eustasius y Saba, a bisa den un comunicado cu e colaboracion cu e paisnan Caribense Hulandes tabata esencial.

Un di e decisionnan cu a tuma lugha durante e reunion tabata pa extende e practico cu ta laga residentenan di Caribe Hulandes biaha cu nan carchi di identificacion den partinan di Reino.



E asuntonan di capacidad cu e paisnan ta enfrente den cierto organisacion hudicial tambe a wordo discuti. Inversionnan di parti gobierno Hulandes den Reino pa combati crimen subversivo of transfrontera a causa fortaleza den cierto organisacion.

Na mesun momento, e inversionnan di Den Haag a crea un falta di balans entre organisacionnan local y e organisacionnan cu a wordo fortaleza. Esaki tin biaha sa stroba operativonan den e sector hudicial. E ministernan a discuti tocante e causanan di e falta di balans aki y a bin na acuerdo cu discusion lo continua na un nivel civil. E ministernan tambe a discuti tocante e continuacion

di trato di humano. E hefe di e grupo RST di New Detective Cooperation Team, Ans Rietstra, a wordo introduci durante e reunion.

Tjon, Hato y Richardson a wordo invita diahuebs pa Colleege van Korpschefs di e paisnan Caribense den Reino pa un presentacion y discusion di e actividadnan di e administracion.

‘The Board of Police Chiefs’ ta un partnership di forsanan policial di Aruba, Corsou, Sint Maarten, e islanan BES, representa pa nan hefenan di polis y apoya pa e Polis Nacional di Hulanda, den cual e forsanan ta colabora y discuti asuntonan di interes comun. E administracion aki ta wordo dirigi pa cada miembro

den un posicion cu ta keda cambia. Awo e presidente ta e hefe di polis di Sint Maarten, Carl John.

Durante e presentacion y discusion, e ministernan di husticia a wordo informa riba e actividadnan cu a wordo realisa e ultimo lunanan na pedida di e administracion. E actividadnan ta enfoca riba intercambio di informacion entre e paisnan, unda a tene cuenta specialmente riba e mehoracion di capacidad di analisis den e forsanan policial.

Programanan educativo pa polis tambe ta importante y con esaki por sigui wordo desaroya den e region. Tambe nan ta considerando pa organisa programanan di train-

ing specialisa pa por sigui profesionalisa e forsanan. Esaki lo wordo realisa den un colaboracion cu e institucion di training na Corsou y Aruba, cu e apoyo di e Academia Policial Hulandes.

Tur tres minister di husticia a gosa di e oportunidad cu e prome reunion cu e administracion di hefenan policial, cual nan a haya hopi informativo. Richardson, cu apoyo di su coleganan, a expresa e speranza cu e reunion aki lo marca e cuminsamento di discusionnan regular entre e ministernan y hefenan policial pa discuti asuntonan comun importante.

Tjon a bisa den un comunicado separa cu crimen organisa ta un topico cu ta wordo discuti extensivamente. El a splica cu e combatimento di crimen organisa tabata parti den varios parti, por ehempel den un parti informativo y un parti di inteligencia. Inversionnan grandi ta y lo continua di ta haci den e area aki, hunto cu seguridad di frontera. El a bisa cu e topico ta keda un asunto prioridad den Reino.

El a papia di un reunion “hopi bon” entre e cuatro paisnan, unda caminda a habri pa mas colaboracion cu resultadonan positivo den e sector hudicial.



Curason fuerte...
orguyoso y leal...
Nos heroe nacional
nos ta recorda bo.

**FELIZ DIA DI
BETICO**
25 JANUARI 2023

SIMAR
SINDICATO DI MAESTRO DI ARUBA
ta invita tur su miembronan pa asisti na un
REUNION ANUAL
cu ta tuma lugar diabierna 27 Januari 2023, cuminsando pa 5:30 'or na cede di SIMAR.

Puntonan di agenda:

1. Apertura.
2. Participacion
3. Relato Financiero di comision di caha 2022.
4. Presentacion di relato anual 2022.
5. Eleccion di comision di caha pa aña 2022.
6. Plan di maneho 2022-2023.
7. Relato Financiero 2022.
8. Presupuesto 2023.
9. Ere-lid
10. Turno liber.
11. Clausura.

Relato anual 2022 lo ser manda via mail pa esnan cu a registra via nos website (www.simar.aw). Esnan cu ta interesa den un “hardcopie” por yama oficina pa avisa cu lo pasa busca esaki. Den caso cu no tin quorum pa 17:30 or, lo cera e reunion y habri un nobo pa 18:00 or.

Na number di directiva,
Josephine Albertus, presidente.

Pareha babysitter ta enfrenta 15 aña den prizon pa abuso di hobennan muhe

(Dutch News)—Un pareha cu a comete abuso sexual contra 7 mucha muhe y a filma esaki mientras ta babysit mester wordo condena pa 15 aña den prizon, despues haya tratamento psiquiatrico, e departamento di fiscal a bisa hurado dialuna.



Peter S. (59) y Nancy D. (54) a abusa e muchanan, cu edad entre 1 cu 6, den un periodo di 18 luna. D. a traha como babysitter pa por haya acceso na e muchanan y a filma e abuso, loke S. A mira online of riba video. “Esaki ta un caso cu ta pone e cabeynan tras di bo nek para,” e fiscal publico a bisa den corte. “E ta un caso horroroso y lo ta dificil pa haya un pio

cu esaki.” D. a admiti na tur acusacion, S. di un par. E pareha a conoce na 2018 y a sigui den un relacion S&M extremo. Nan tambe tabata interesa den relacion sexual cu animal y den Nazismo, locutor Omroep Brabant a reporta. Den total, ta specula cu nan a abusa di al menos 20 mucha desde 2019. Corte lo anuncia su huicio dia 13 di maart.

Donacion di organo a alcanza record nobo, impacto di ley nobo no ta claro

(Dutch News)—E cantidad di hende cu ta haci donacion di organo despues di nan morto a alcanza un record di 285 aña pasa, segun e figuranan nobo for di e fundacion di transplante Hulandes NTS.



Den total, dokter a checuta 1.042 transplante di organo for di donador morto y bibo. Esey ta 162 mas cu na 2021, NTS a bisa. Pa fin di aña pasa, 1.247 persona tabata riba lista di espera pa haci donacion, 50 menos cu den 2021. Pero e lista di espera pa un transplante di riyon a aumenta pa via di un cantidad halto di pashent, NTS a bisa. Na 2020, legislacion Hulandes pa donacion di organo a

cambia pa un cu ta bisa cu tur hende ta haci donacion automaticamente despues di morto, cu excepcion di esunnan cu a expresa cu nan no kier. E meta ta pa aumenta e num-

ber di organo disponibel pa transplante, pero NTS a bisa cu ainda ta trempa pa conclui si esaki ta e caso. E legislacion lo wordo evalua pa Minister di Salud fin di e aña aki.

Prijs di hogar a cay cu 2.3% na december, e caida mas grandi den 10 aña

(Dutch News)—Prijs di hogar a cay cu 2.3% na december ora esaki a wordo compara cu november, e record di caida pa luna mas grandi den 10 aña, agencia di statistica nacional CBS a bisa dialuna.

Prijs di hogar tin 5 luna stret ta cayendo, como cu aumento di prijs di interes ta reduci prestamo y e demanda ta cuminsa baha.

Segun e figuranan NVM na comienso di e luna aki, prijs a cay cu 6.4% den e ultimo cuarto di 2022 ora cu esaki a wordo compara cu e mesun periodo na 2021, y 3.7% riba prijs entre juli y september. NVM ta cubri hogarnan cu a wordo bendi pa nan 4.440 miembro, mientras cu CBS ta mira e transaccion di registro di tereno, cual por tuma luga un par di siman despues cu trato a wordo firma.

Prijsnan tabata abou den tur 12 provincia den e ultimo cuarto di aña pasa, pero e bahada tabata mas grandi na Utrecht, Flevoland y Noord-Holland, entre 3% y 4%, CBS a bisa.

KOORYMAN

FELIZ DIA DI BETICO

ADJUSTED OPENING HOURS
Wednesday January 25th - 9 am to 2 pm
 *Regular hours will resume the following day

kooymanbv.com

THERE IS ALWAYS SOMETHING TO DO



Pa AVISO den nos Corant
aviso@bondia.com

Polis Nacional di Peru a drenta universidad cu tanki pa detene manifestantenan



(LaRepublica) - Diabierna mainta, Polis Nacional di Peru a drenta na Universidad Nacional Mayor di San Marcos (UNMSM) usando un tanki cu e objetivo di saca e manifestantenan cu supuestamente mester a bandona e luga.

Despues, mas di 200 persona a wordo hiba na Central Operativo di Investigacion Policial (Dirincri) y Prefectura na unda nan tabata wordo acusa di comete actonan di vandalismo. Debi na esey, centenares di ciudadano a manifesta su apoyo na e protestantenan dilanti di e centronan di detencion, pero nan a wordo reprimi pa forsanan policial. For di 17 di januari, e universidad tabata acoge manifestantenan di varios region di e pais cu tabata yega na e capital di Peru pa participa den e Marcha di Lima. Federacion Universitario di San Marcos a expresa su apoyo na e protesta mediante su rednan social, asina como e decision di acoge esunnan cu a yega pa

reclama nan demanda na autoridadnan.

Pero diabierna mainta, agentenan di Polis a benta abou e porta 3 di e ciudad universitario pa drenta y saca e manifestantenan cu tabata eynan for di dianan pasa, for di e momento ey e agentenan policial a ordena e detencion di mas di 200 persona, mediante rednan social a muestra videonan na unda a denuncia irregularidadnan di e operativo, entre nan tabata un mama cu su yiu menor di edad.

Diadomingo ultimo 22 di januari, Ministerio Publico mediante un comunicado di prensa a anuncia cu di e 193 persona deteni durante e intervencion, 192 a wordo libera y un so tabata permanente deteni.

Ademas nan a enfatisa cu tres detenido acusa presuntamente di a comete delito di afiliacion na un organizacion terrorista, e fiscal specialisa a duna e libertad na dos di nan y un ta keda liber cu cierto condicion mientras investigacionnan ta continua.

BONDIA ARUBA

No laga bo yiu bira victima di abuso sexual

Preveni NA TEMPO

Haiti: Ta secuestra autobus di pasahero cu tabata regresa pa Republica Dominicana

(DiarioLibre) – Un autobus di un liña comercial Capital Coach Line cu tabata biaha cu destino pa Republica Dominicana, a wordo secuestra den e localidad Haitiano, Croix des Bouquets.

E conductor di e autobus ta di nacionalidad Dominicano y a wordo identifica manera Johan Anotnio de La Rosa, di 32 aña di edad.

E autobus tabata biaha cu un total di 37 pasahero, di cual 9 a logra huy. Un di e victimanan cu a logra huy di e secuestradonan y cu ta wordo atendi na un hospital di e pais a bisa e corant Le Nouvelliste, cu e autobusnan tabata wordo escolta pa polis pero

cu e secuestradonan a logra pasa e seguridad pa comete e hecho.

For di aña pasa e empresanan cu tabata brinda servicio di transport entre Haiti y Republica Dominicana a stop nan operacionnan debi na e nivel di inseguridad halto cu ta biba na e pais Caribense.

Segun e ciudadanonan Haitiano ta indica, den e ultimo 72 ora e secuestronan a aumenta na varios zona di Haiti, Croix des Bouquets, Tabarre, Delmas y Freres. Diferente ciudadanonan a indica cu e presencia di e gangnan a aumenta y a tuma posesion di varios luga, incluyendo Viet-elhomme.



ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI
MAS CERCA DI BO!



Yena aki bao e siguiente informacion

Telefon

Number completo: _____
Adres di entrega: _____
Adres di cobranza: _____

Pago Adelanta: 3 Luna 6 Luna 1 aña

Yama na telefon: 582-7800 of manda un email na accounting@bondia.com
www.bondia.com

- Cobranza na Cas.
- Cobranza na Trabao.
- Paga via Banco (Standing Order) Aruba Bank no. 33266.8
- Paga Aruba Bank ABO ONLINE.
- Paga CMB ONLINE
- Personal na oficina di Bon Dia Aruba.
- Pone den Box.
- Tira den Cura.

Feliz dia di Betico!

Aruba, un feliz dia di celebracion.

ennia
Sinti bo sigur!



AHATA
ARUBA HOTEL & TOURISM ASSOCIATION

Pabien Aruba
FELIZ DIA DI BETICO

LIKE US ON **facebook**
[Facebook.com/bondianoticia](https://www.facebook.com/bondianoticia)

Betico Croes a demostra cu Aruba ta logra cosnan grandi den union y cu positivismo

“Un Pueblo uni, hamas por ser hundi!” ~ Gilberto François ‘Betico’ Croes

Gilberto François Croes, miho conoci como Betico, a nace dia 25 di januari di e aña 1938 den un famia grandi pero humilde na Santa Cruz. For di mucha, Betico tabata hopi stima pa esnan rond di dje. E tabata gusta yuda otro. Betico tabata yuda Pastoor tambe como misdinaar. Algo sigur cu ta di remarca ta cu for di hoben caba, tabata bisto cu Betico un dia lo bira un lider.

Su amor incondicional pa un pueblo, su boluntad pa haci un sacrificio personal pa beneficia su pueblo, su accionnan incansable pa salba su pueblo, su bondad legitimamente compasivo pa su

pueblo, su corage pa enfrente forsan grandi pa su pueblo, su noblesa pa sirbi su pueblo, y su determinacion pa lucha den union cu e pueblo y cu hopi positivismo pa logra, ta haci cu awe su pueblo ta recorde como un heroe, como un tata, como un libertador. Manera Betico mes a expresa, “Un Pueblo uni, hamas por ser hundi”. Y ta cu e mesun pensamiento aki, nos pueblo lo lucha pa e bon futuro di nos pais.

Diaranson awo, dia 25 di januari, Aruba ta uni pa recorda y celebra e fecha natal di señor Gilberto François ‘Betico’ Croes. Mientras nos ta acercando e fecha aki, laga nos corda tur loke e gran

estadistica aki a haci pa nos pueblo. Entre otro, Betico a lucha pa Aruba tin su propio ortografia di Papiamento Etimologico, Himno y Bandera, Banco Central, Florin Arubiano, Propio Gobierno y Parlamento y nos Status Aparte.

Prome Minister Evelyn Wever-Croes, den nomber di Gobierno di Aruba, ta invita tur ciudadano pa celebra e dia importante aki. Ban hisa nos bandera y muestra nos orguyo di ta Arubano. Den Union y Positivismo nos lo reflexiona y celebra e logronan di nos Libertador, logronan cu awe ta haci nos mas fuerte como un pais den Reino. Danki Betico, pa Stima nos pais.

Betico a uni e pueblo y cu positivismo a lucha pa Aruba su libertad, su Status Aparte

“Sea bo ta catolico, protestant of di otro religion. Sea bo ta blanco, preto, of geel, sea bo ta pover of rico, sea bo ta di Playa, Sta.Cruz, Noord of Sanicolas, bo ta Arubiano, bo ta pertenece na e pida baranca cu yama Aruba”.

Gilberto François Croes, miho conoci como Betico Croes, di mucha caba a demostra cualidadnan di bira un lider. Semper yudando esnan rond di dje y duna guia na esnan cu tabatin mester di dje. Cualidad cu a sigui manifesta den e dianan di su hubentud y a brota como adulto. Betico tabata carismatico y tabata influencia y inspira tur esnan su rond. Hopi hende a expresa cu Betico Croes a nace un lider. Pero e realidad ta, cu ta e determinacion cu Betico tabatin pa lucha pa libertad di su pueblo, a conberti'e den e gran lider cu el a bira, stima pa tur. Betico, den union cu e pueblo di Aruba y cu hopi positivismo, a lucha pa cada meta cu el a propone.

Betico a destaca den su lucha

ferviente pa trece union bao di tur ciudadano di Aruba, sin importa rasa, color, religion etc. Betico tabatin e meta pa caba cu tur segregacion y division cu tabata existi riba e isla aki. Sin duda cu e union aki tabata determinante pa por realisa e causa di e pueblo Arubano, esta nos Status Aparte.

Pueblo di Aruba a cuminsa realisa e habilidad y cualidad di un gran lider den Betico Croes, kende tabata posee conocimiento amplio di politica. Betico a sa di uni e pueblo Arubiano cu no a exclui niun hende pa cua motibo tambe, el a bira e lider mas stima den su tempo.

Palabranan cu Betico a expresa y a demostra cu accion, a keda graba pa semper: “Sea bo ta catolico, protestant of di otro religion. Sea bo ta blanco, preto, of geel, sea bo ta pover of rico, sea bo ta di Playa, Sta.Cruz, Noord of Sanicolas, bo ta Arubiano, bo ta pertenece na e pida baranca cu yama Aruba”.

25 di januari:

Ban celebra Dia Di Betico na grandi den union y positivismo



Prome Minister Evelyn Wever-Croes a cuminsa celebra Dia di Betico e siman aki cu bishita na varios scol na Aruba y ta sumamente contento y satisfecho cu e interes y conocimiento cu e muchanan tin di Betico. Esaki ya ta un tradicion di e mandatario principal di nos pais dunando realce na e fecha natal y logronan di Gilberto François ‘Betico’ Croes.

25 di januari ta un fecha special pa Aruba. Un dia nacional na unda nos comunidad por goza di un dia liber. Un dia na unda nos ta recorda e fecha natalicio di nos Libertador Betico Croes. Scolnan, establecimentonan, ciudadanonan ta papiando di e dia aki. Sigur buscando con pa celebra un dia asina importante na Aruba. 25 di januari no solamente ta un dia liber, pero un dia pa para keto na dje y celebra hunto den union y positivismo e bida y logronan di nos Libertador, Betico Croes.

Prome Minister Evelyn Wever-Croes ta invita tur ciudadano pa celebra e dia importante aki. Ban hisa nos bandera y muestra nos orguyo di ta Arubano. Acudi na e celebracionnan cu

Betico ta un lider cu pueblo a stima. Un lider cu a haci di Aruba un gran famia. Un lider cu a uni un pueblo. Den union y positivismo, Betico a lucha y a mantene determinacion incansabel pa realisa su meta pa duna Aruba su libertad, su Status Aparte.

Prome Minister Evelyn Wever-Croes, den nomber



tin rond di Aruba. Entre otro, Gobierno di Aruba, hunto cu Comision Celebracion Dianan Nacional (CCDN), lo tin e Manifestacion Cultural, diamars 24 di januari na Plaza Libertador G.F. Betico Croes for di 8:00 pm – 10:30 pm. Ya pa 6or di atardi, lo tin Caha di Orgel ‘Olga’, Presentacion Tipico ‘Brindis’, Feria Culinario, Boca Dushi y Artesania.

Diaranson 25 di januari, Dia di Betico, lo tin e Ceremonia Protocolar cu lo cuminsa pa 9:00 di mainta na Plaza Libertador G.F. Betico Croes cu presencia di nos Gobernador, Ministernan, Parlamentarionan y invitadonan special.

Prome Minister na ocasion di Dia di Betico, ta recorda un di e palabranan cu Betico a uza y semper a haci un impacto grandi ta ora cu el a bisa “Si mi cay na caminda, gara e bandera y sigui cu e lucha”. Esaki ta posibel cu union y positivismo. Premier di Aruba ta encurasha e pueblo di Aruba pa nos tur biba e palabranan di e gran estadistica aki den union pa traha

riba reto y solucionnan. Cu positivismo pa nos logra surpasa tur reto y logra un miho bienestar pa nos pais.

“Laga nos gara e bandera y sigui cu e lucha. Den cada hogar tin lucha grandi cu ta tuma laga. Den nos pais tin luchanan cu ta tuma laga. Y esaki ta loke Betico tawata kiermeen, pa no laga nada stroba bo di yega locual ta bo meta. Pero tambe cu determinacion, den union y cu positivismo, nos sigui cu e lucha pa bienestar general di henter nos comunidad”, Prome Minister a expresa.



FELIZ DIA
DI
Betico

ARUBA
ARUBA TOURISM
AUTHORITY

BOOGAARD ASSURANTIËN N.V. ARUBA

Aruba pabien
y pasa un
FELIS DIA DI
Betico

WWW.BOOGAARD-ARUBA.COM | TEL. 528 8888 | f

DOUBLE DOWN
SPORTS BAR & GRILL

Dia di BETICO

FROM MONDAY 23 TILL SUNDAY 29 OF JANUARY

LOCALS RECEIVE
\$DOLLARS TO
FLORINS ON REGULAR
MENU (FOOD ONLY)

HASSLE FREE PARKING - All your
favorite sports on 32 big screens

Amazing Food & Drinks Your
home for NFL games in Aruba

OPEN
MONDAY - SUNDAY
from 7am till 11pm

Eagle Aruba
RESORT & CASINO

Feliz dia di
BETICO

Pabien Aruba

AUA
ARUBA UNION ANTI-APARTHEID

Adrienne Jacobs a keda eligi como Aruba su Reina di Carnaval 69


Diadoming anochi riba Plaza Libertador Betico Croes a tuma luga eleccion di Señora Carnaval y Reina Grandi di Aruba su carnaval 69. Adrienne Jacobs, representando Royal Carnival Group a keda eligi como Reina grandi y Sheraldine Albertsz, representando Colegio EPI a wordo corona como Señora Carnaval.

Den un atmosfera yena cu ambiente di carnaval, riba Plaza Betico Croes a tuma



queen of Setar, mas popular y best show. Faridi Daou, representante di TOB Carnival Group a bay cu e premio di best speech, best carnival dress y primera finalista.

Reina Grandi di Aruba su Carnaval a keda den persona di Adrienne Jacobs, di Royal Carnival Group. Jacobs a bay cu e titulo di best speech tambe. Edmee Arends di TOB Carnival Group a bay cu e premionan di primera finalista, best dress, best show, mas popular y queen of Setar. Xaria Simoons, representando Colegio San Augustin a bay cu e titulo di segunda finalista.



luga e eleccion di Reina Grandi y Señora Carnaval di Aruba su Carnaval 69. Un total di cinco candidata a competi, dos den categoria di Señora Carnaval y tres den categoria di Reina Grandi.

Den categoria di Señora Carnaval, representante di EPI, Sheraldine Albertsz a logra bay cu e titulo maximo,

"Giselle" Department Store
Na Noord
Nos ta cla pa **Carnaval 69**

Nos tin boa den diferente color, Peluca den variedad di color y estilo, Mascarada cu pluma, Wimpers, Cadena di Mardi Gras, Tutu den varios color, glas di Luz, Corona, armband, renchi dede y cadena di luz, sticker di stenchi pa cara, make-up, mea di net y diferente pantyhose, keds, sandalia, short y bermuda pa grandi y chikito. y hopi mas pa menciona...

Carnaval

SUPER SHOPPING

Nos a drenta den esfera di **Carnaval** y si bo mester di Jug, Stul, Mesa, Make-Up, Handschoen den diferente color. Keds pa hende grandi y mucha, mascarada, accesorios, short, difras pa mucha, blusa, shirts anto pa diabierna otro Container mas ta yega cu hopi mas articulo di Carnaval!!!

Nos ta wardabo

BIG BAZAAR DEPARTMENT STORE
na Tanki Leendert

Ta invitabo bin wak e outfit cu bo ta desea pa bisti den temporada di **Carnaval 69**.

Nos a caba di ricibi Jeans den tur size, color y style y keds pa combina. Tambe variacion di short, topnan y mea den diferente color. Tas chikito ideal pa e temporada. Eye shadow y mas accesorios. Nos tin outfit pa mucha, teeners y hende grandi.

Ke.Ke Mega Mart
NA CURA CABAI

Nos ta cla pa **Carnaval 69!**

Tin pechi den diferente color y tambe cu LUZ. Mascarada colorido y diferente style. Tambe tin short, bermuda, stretch jeans, blusa, top y accesorios. Keds, make-up cu ta blink y hopi mas pa bo luci den Carnaval 69!

Feliz Carnaval

CARNAVAL SPECIAL

15% DESCUENTO Ariba LATEX & FOIL BALLOONS

GRABO BALLOONS

Sempertex

Party By DYON CENTER NV

Minister Rocco Tjon:

Ta bay sigui inverti den tecnologia y educacion pa combati criminalidad mas eficiente y eficazmente na Aruba

Despues di a finalisa e “Justitieel Vierpartijen-overleg”, coleganan minister di Sint Maarten y Corsou a keda Aruba, caminda nan a atende diferente otro reunionnan. Den cuadro di esaki, Minister di Husticia y Asuntonan Social Sr. Rocco Tjon a reuni cu Minister di Husticia di Corsou, Sr. Shalten Hato como tambe e ekipo di Ministerio di Husticia y Asuntonan Social riba diferente tematicanan manera estranheria, Guarda nos Costa y Inmigracion. A reuni tambe cu Minister di Sint Maarten Sra. Anna E. Richardson riba temanan cu ta toca husticia.

Diahuebs mainta, Minster Tjon conhuntamente cu e mandatario di Sint Maarten Sra. Anna E. Richardson, a reuni cu e Colleege van Korpshiefs, y a toca diferente tematicanan cu e islanan tin den comun. Pues, a toca temanan manera con pa combati criminalidad mas eficiente y mas eficaz, y a toca principalmente tematicanan di delitonan cu tin un toke di violencia mara na dje. Ta trata di tematicanan strategico cu hunto lo bay enfoca riba dje, a traves di e plataforma di Colleege van Korpshiefs, manera topiconan di liderazgo den e Cuerponan Policial, pero tambe e parti di integridad y e parti di educacion cual ta hopi importante.

Manera ta conoci, criminalidad ta desaroyando su mes mas y mas, e ta cambia continuamente pa cual motibo e ta hopi importante pa percura cu nos organisacionnan por adapta nan mes tambe na e cambionan aki. Pa e motibo aki, ta inverti den tecnologia, y e añanan nos dilanti, nos ta bay inverti tambe den educacion. Principalmente educacion den forma di workshops y trainingnan cu ta toca e parti di crimen financiero, pues con pa combati crimen financiero y crimen cibernetico.

Un reunion sumamente positivo y fructifero, caminda por mira su efectonan positivo, pa cual motibo a palabra cu prome cu cada “Justitieel Vierpartijenoverleg” lo reuni tambe cu e Colleege di Altocomisaronan.



BIN CELEBRA DIA DI BETICO

Na Plaza Libertador G.F. Betico Croes

BETICO- “DANKI PA STIMA NOS PAIS”

24 | MANIFESTACION
JAN | CULTURAL

Orario: 8:00 pm – 10:30 pm

6:00 PM Caha di Orgel 'Olga'
Presentacion Tipico 'Brindis'
Feria Culinario
Boca Dushi y Artesania

25 | CEREMONIA
JAN | PROTOCOLAR

Orario: 9:00 am – 10:30 am

SUSHI·HOLOR·BESTIA LOS TAIRA·DUMP ILEGAL
 Raporta directo cu FIXI

Download Fixi gratis fixi.aw

BUREAU CITY INSPECTOR

Feliz Dia Di Betico

aib bank

AIB BANK TA DESEA ARUBA UN FELIZ DIA DI BETICO

#AMIGODIDI

DON'T DRINK AND DRIVE

Microsoft ta inverti biyones den creador di ChatGPT OpenAI



(AP) - Microsoft a revela cu nan lo haci un “inversion di varios aña, multi biyonario” den e agencia di inteligencia artificial OpenAI, creador di ChatGPT y otro hermentnan cu awo por skirbi texto y genera imagnan nobo.

E gigante den tecnologia riba dialuna a describi su acuerdo nobo como e tercer fase di un partnership cu ta creciendo cu e agencia basa na San Francisco OpenAI cual a cuminsa cu un inversion di 1 biyon dollar den 2019. Nan no a revela e cantidad exacto pa e inversion mas recien cu ta revelando.

E posicion di partnership aki ta pone Microsoft den rumbo pa mehora su competencia cu Google den comercialisa AI nobo cu por transforma varios carera, ademas di e negoshi di buskeda online. OpenAI su hermit pa skirbi gratis ChatGPT a lansa dia 30 di november y a trece atencion di e publico na e posibilidadnan di avancenano den inteligencia artificial.

Esaki ta parti di un generacion nobo di sistema di mashin cu por combersa, genera texto

via peticion y produci imagnan y video basa riba kiconan a mira den un base di dato amplio di bukinan digital, publicacionnan online y otro media.

Microsoft su partnership ta permiti nan capitalisa for di OpenAI su tecnologia. Microsoft su supercomputernan ta yuda duna poder na e agencia su sistemanan di AI, mientras e gigante tecnico por sigui integra OpenAI dentro di e productonan di Microsoft. “Den e siguiente fase di nos partnership e clientenan cu usa Microsoft su plataforma Azure, lo tin acceso na hermentnan nobo di inteligencia artificial pa asina crea y usa nan aplicacionnan.”

OpenAI a cuminsa como un compania di investigacion di inteligencia artificial sin fines di lucro ora cu esaki a lansa den december di aña 2015. Cu CEO di Tesla Elon Musk como su co-presidente y entre su inversionistanan prome, e organizacion su metanan tabata di “avansa inteligencia digital den e manera cu ta beneficia humanidad henter, sin ta mara na e necesidad di genera un ganashi financiero.”

BONDIA ARUBA

Bo ta stima bo yiu BISA NO Na abuso di Mucha... HASI USO DI CARSEAT

Nos Pais Television tin derecho historico y exclusivo pa transmiti Serie di Caribe



Canal di television Nos Pais y su directora Mavis Albertina, awe tardi durante un rueda di prensa a anuncia cu islanan Aruba, Corsou, Boneiro y Sint Maarten, pa prome biaha den historia, por mira seleccion di Corsou reforsa cu peloteran tambe di nos participa na un Serie di Caribe di baseball. E canal di television oficialmente a adkiri derechonan exclusivo pa transmision di tur wega durante e torneo di baseball mas grandi den Caribe y Latino America.

Serie di Caribe 2023 ta un evento deportivo di baseball profesional cu lo tuma luga

di 2 pa 10 di februari 2023, na Venezuela den stadionnan La Rinconada (Caracas) y Forum (La Guaira). E Serie ta reuni den un torneo final, ekiponan campeon profesional di Venezuela, Republica Dominicana, Cuba, Puerto Rico, Mexico, Panama y Colombia. y pa prome biaha den historia Corsou ta participa.

E clasico Caribense y Latino Americano ta drenta su di 65 edicion y pa Corsou esaki ta un desaroyo historico. Corsou ta hunga un cantidad di 7 wega preliminar durante e prome rond y cu bon resultado lo hunga rondnan di 'play off': (adhunto conexion di e

kalender y website oficial) <https://www.Serieedelcaribe.net/articulos/calendario-Serie-del-caribe/> <https://www.Serieedelcaribe.net/>

Nos Pais Television, den un logro historico y exclusivo ta trece tur 32 wega durante Serie di Caribe, te den boso cas. E posibilidad a bira un realidad na momento cu directora di e planta, Mavis Albertina a firma cu representante di e Consideracion di Baseball profesional Caribense. Un grupo bastante grandi di hungadonan profesional yiu di Corsou na Estados Unidos y demas campeonatonan internacional a confirma nan participacion, incluso Jonathan Schoop, Jair Jurrjens, Shairon Martis y Andrelton Simmons, y di Aruba Ray Patrick Diddy y Ryan Huntington.

E hecho cu peloteran di Aruba ta duna nan aporte na e team di Corsou ta algo di aprecia hopi. Motibo pa cual Mavis Albertina como gesto di gradicimento, a join forsa cu Tele-Aruba y tuma e decision pa brinda e Pueblo di Aruba tur 32 wega completamente gratis. Canal 23 (Nos

Isla) lo carga e señal den cadena cu Nos Pais y ta transmiti tur 32 wega. Mescos ta conta tambe pa Nos Pais su canalnan na Telbo Boneiru, y Telem y WTN na Sint Maarten.

Nos Pais alabes ta gradici su patrocinadonan di e proyecto historico aki, cu ya caba a confirma nan sosten manera entre otro Aruba Bank, Guardian Group Fatum, Ministerio di Enseñansa, Ciencia, Cultura y Deporte y Curoil. Finalmente un pabien y danki ta bay pa e pueblo di Corsou cu e gran logro aki. E Team di transmision na

Venezuela pa canal Nos Pais ta carga cu experiencia internacional. E ta consisti di naradonan Alexander Makaja, comentarista Clarck Zalmkendenan lo biaha hunto cu tecniconan, Robert Emperador y Tom Allen pa Venezuela. Na Corsou den studio e team ta ricibi sosten di Gino Valeriaan, Jair Quand y Rafelito Jozefa. Tambe Edson Kelly di Aruba y Cumar Piar di Boneiru lo reforsa e team. E cas productor di contenido, KONTENTU ta encarga cu planificacion y ehecucion logistico di e proyecto na Venezuela.



EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIJDAG 24 FEBRUARI 2023 om 10:00 uur 's-morgens bij de Kamer van Koophandel (Auditorium)** aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

HAVENSTRAAT 36

Een commercieel tweeverdiepingspand staande op een complex van 5 eigendomspercelen en 2 erfpachtspercelen gelegen aan de Havenstraat te Aruba, te weten:

- een perceel eigendomsgrond groot 142 m2, kadastraal bekend als Eerste Afdeling Sectie A nummer 396;
- een perceel eigendomsgrond groot 95 m2, kadastraal bekend als Eerste Afdeling Sectie A nummer 398;
- een perceel eigendomsgrond groot 59 m2, kadastraal bekend als Eerste Afdeling Sectie A nummer 579;
- een perceel eigendomsgrond groot 125 m2, kadastraal bekend als Eerste Afdeling Sectie A nummer 580;
- een perceel eigendomsgrond groot 178 m2, kadastraal bekend als Eerste Afdeling Sectie A nummer 815;
- het recht van erfpacht tot 6 mei 2058 op een perceel domeingrond groot 354 m2, kadastraal bekend als Eerste Afdeling Sectie A nummer 581;
- het recht van erfpacht tot 6 mei 2058 op een perceel domeingrond groot 46 m2, kadastraal bekend als Eerste Afdeling Sectie A nummer 1040.

Minimum inzetprijs: Afl. 1.900.000,00 (inclusief kosten en belastingen)

****ALLE KOSTEN EN BELASTINGEN IN VERBAND MET DE AANKOOP OP DE VEILING ZULLEN UIT DE KOOPOPBRENGST WORDEN VOLDAAN EN DERHALVE NIET SEPARAAT IN REKENING WORDEN GEBRACHT AAN DE VEILINGKOPER****

- Een onherroepelijk en onvoorwaardelijk onderhands bod kan worden uitgebracht tot en met uiterlijk **donderdag 9 februari 2023** ten kantore van NewLeaf Notary of via email auction@newleafaruba.com. Het biedingsformulier is zowel op het kantoor van NewLeaf Notary alsmede op de website www.newleafaruba.com verkrijgbaar.
- Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

ANUNCIO

Cualquiera cu ta opina di por tin derecho den e propiedad menciona aki bou, ta ser suplica pa tuma contacto cu e notario suscrito prome cu dia **februari 24, 2023**:

Un terreno propiedad cu un grandura di 1.226 m2, situa na Siribana, Aruba, cadastralmente conocí como Tercer Division Seccion B number 178.

Explicacion: herederonan di señor **Amable (Amabel) Feliciano Henriquez** y señora **Demetria Maria Werleman** ta haci apelación ariba VERJARING (caducacion) y ta informa cu e propiedad menciona pa mas cu 10 (diez) año tabata den poder di e herederonan menciona y nan tabata di buena fe. Alavez nos ta hasi suplica na tur persona cu ta di opinion di tin derecho ariba dicho propiedad, pa sea asina bon di hasi entrega, por escrito, e motibo di dicho opinion na nos oficina.

mr. C.M.A Helmeyer
Notario

Elleboogstraat 11-13
Oranjestad, Aruba
Telefon: 2802020

Contact-email: vrieswijk@notarishelmeyer.com

www.notarishelmeyer.com

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Secretario General di MEP, Endy Croes:

Lucha y logro di Betico Croes ta un clompi di diamanta

Secretario General di MEP Endy Croes ta felicita henter pueblo di Aruba cu e celebracion di Dia di Betico e siman aki 25 di januari proximo.

Ken ta Betico?

Betico Croes a nace dia 25 di januari 1938 y si Betico tabata na bida e lo a cumpli 85 aña di edad e aña aki. Betico a bin di e pueblo humilde di Santa Cruz y ta yiu di † Panchico y † Mimita. Betico tabata felizmente casa cu Glenda y tin 4 yiu, esta Gisette, Glenbert, Junior y Gleneline (Lalo). Nomer corecto di nos Libertador Betico Croes ta Gilberto Francois (Betico) Croes. Betico tabata gusta deporte y musica. No solamente Betico a dirigi koor di Inmaculada Concepcion Parish na Santa Cruz, pero Betico tabata tin su propio grupo, esta "Betico y su Grupo", cu ta pasa cas pa cas fin di aña tocando su acordeon y zonando e dande. Despues cu Betico a fayece, e grupo a cambia di nomber y a bira "Grupo di Betico". Betico a bay scol basico y a continua HBS na Sint Dominicus College. Betico a sigui su estudio na Hulanda na Hilversum y a bira maestro di scol. Betico a regresa Aruba y a traha seis (6) aña na Sint Jozef School, cual awendia ta yama Colegio San Hose. Betico a sigui studia y a haal LO den Handelskennis y LO Spaans. Despues, Betico a traha 2 aña na Colegio San Antonio na Santa Cruz di aña 1965 pa 1967.

Betico su amor pa Aruba:

Betico tabata tin un amor inmenso pa Aruba y a dicidi di subi lista politico pa duna aporte na su pais di un otro forma. Na aña 1971, Betico a separa di Partido di Pueblo Arubano (AVP) y riba 9 di februari di aña 1971 a lanta su propio partido Movimiento Electoral di Pueblo (MEP). Betico su determinacion ta pa saca Aruba for di constelacion Antiano, cu e momento ey tabata consisti di 6 isla, cual e isla mas grandi cu ta Curaçao tabata esun dominante. Betico a bringa y lucha pa nos Status Aparte. Un lucha incansabel di 15 aña prome cu Betico a logra. E lucha no



tabata uno facil.

Algun parti di e lucha:

Na augustus di aña 1972, Betico a forma parti di delegacion di Reino Hulandes pa bay Surinam. Betico a plantia bek e idea di Status Aparte, pero lamentablemente otro politiconan a bisa cu Betico no por papia den nomber di Aruba como cu MEP e tempo ey a saca 7 asiento den su prome salida y Betico ta representa 7 asiento. Betico a bisa nan: "Mi ta bay consulta cu mi pueblo y lo mi bolbe". Dia 18 di maart di aña 1973, Betico a organisa un manifestacion masal den Wilheminstadion, cual awendia ta yama Guillermo Prospero Trinidad Stadium. E manifestacion aki a haci un impacto enorme, mirando cu e parlamentario Hulandesnan tabata na Aruba.

Betico a unifica pueblo cu Himno y Bandera:

Den e proceso Betico a boga pa union pa asina henter e pueblo por sostene e lucha.

Betico a forma un comision pa Aruba por haya su propio himno y bandera. Dia 18 di maart di aña 1976 nos bunita bandera a bay halto den Wilheminstadion y nos himno Aruba dushi tera a resona. Esaki a crea un impacto di orguyo den nos Arubianonan, unda mas y mas hende cu un amor patria a acerca pa sostene e lucha di Status Aparte. Dia 25 di maart di aña 1977, a organisa un referendum pa pueblo mes por dicidi nan futuro a traves di Voz di Pueblo ta Voz di Dios (Vox Populi, Vox Dei). Lamentablemente, AVP cu su Lider nobo e tempo aya esta, Henny Eman, a pidi tur hende pa NO bay vota y a pidi tur hende pa bay lama pasa dia cu famia. Henny Eman no a logra su intento pa boicotia e referendum. Pueblo a reacciona masalmente cu 82.5% di voto na fabor di Status Aparte. Aprobando di e manera aki e lucha di Betico cu un sosten incondicional.

Augustus Scur na aña 1977:

Na aña 1977, MEP a obtene 5 di e 8 asiento pa cu Parlamento di Antias durante eleccion. Lamentablemente, Gobierno Central yuda pa Partido Patriotico di Aruba (PPA) e tempo aya a laga MEP for di gobierno. Esaki a trece cune un ola di manifestacion cu a desemboca den augustus scur. Durante e manifestacion masal aki, WEB su servicio strategicamente a cay afo y Aruba a bay den blackout. Gobierno di turno e momento ey a manda refuerzo SE di Riot Commando di Curaçao pa purba trece tranquilidad. Tironan a cay riba nos hendenan, cual tambe ta forma parti historia. Riot Commando hasta a drenta cas di mayornan di Betico na Santa Cruz na un manera inhusto. Sinembargo, esakinan no a frena of stop Betico pa sigui cu e lucha. Na 1978 Betico ta wordo encarcela pa shete (7) dia, momento a haya un revolver bou di asiento di su auto, mientras nunca por a prueba cu e revolver ta di dje. Hopi triki a wordo uza pa

purba spanta Betico. Pueblo a compana Betico pa hib'e prizon na Dakota e tempo aya. Betico su palabranan historico: "No tin lucha sin sacrificio y no tin sacrificio sin gloria!"

Aruba ta logra Status Aparte: Dia 12 di maart di aña 1983 durante Conferencia di Mesa Redonda na Den Haag, Ruud Lubbers a expresa na final e palabranan historico: "De Kogel is door de Kerk". Akinan Betico y delegacion den nomber di Aruba a logra convence e Hulandesnan y asina Aruba a haya su Status Aparte entrante 1 di januari di aña 1986. Pues, tabatin 3 aña pa prepara esaki.

Betico ta wordo tira:

Dia 24 di april di aña 1983, Betico yegando Stadion Nadi Croes/Crismo Angela (veld di Winston antes) a wordo tira pa un agente policial Libier. E multitud di hende presente y pueblo a bay for di control. E polisnan mester a bandona e sitio pa por a purba calma pueblo. A hiba Betico Merca y despues di varios operacion Betico a recupera y a sigui cu e lucha. Finalmente, dia 31 di december di aña 1985, rond 9'or di anochi, tres (3) ora prome cu aña nobo, cu mester a celebra e logro di Betico y su lucha, Betico ta accidenta y bay 11 luna den coma. Betico a fayece na Hulanda na un edad di 48 aña y nunca a biba pa mira su propio lucha wordo cristalisa.

Betico a laga logronan grandi atras:

Betico cu Status Aparte a logra pa Aruba tin su propio: gobierno, parlamento, gobernador, procurador general, banco central, moneda, himno, bandera y ortografia. Pues, a laga un herencia valioso pa nos y manera Betico a bisa na su yegada for di Hulanda: "Laga locual nos a logra awe ta un clompi diamanta". Dia cu nos Status Aparte mester wordo menasa atrobe, esaki ta significa guerra. Danki Betico. Ban celebra Dia di Betico en grande y traspa e bunita historia aki pa nos yiunan y nos futuro generacionnan.

25 januari 2023

Feliz dia di Betico

Minister di Enseñansa y Deporte
Endy Croes

"E felicidad cu mi ta desea pa mi propio
yiunan, ta e felicidad cu mi ta desea pa
henter e pueblo di Aruba"

Porta habri,
Solucion Concreto

Endy Croes

Desire
Discipline
Dedication
Determination

Parlamentario Hendrik Tevreden (MEP) cu un reflexion pa dia di Betico

"Aruba, nos ta keda baas den nos propio cas"

Atrobe nos ta celebra dia di Betico dfm y awor cu e conocimiento y gozo cu COHO, un ley cu netamente lo a atraca nos libertad autonomo ta pa pasado. E ideologia cu tanto e lider immortal aki a lucha pe, esta pa nos ta baas den nos mes cas, awe ta wordo experiencia den e era nobo aki.

A pesar cu hopi hobennan di e generacion nobo no ta completamente consciente di e lucha di Betico dfm pa motibo cu polarisacion politico semper a stroba pa su historia wordo conta na scolnan, awe mi ta spera cu lo ta un dia cu nos lo refleha, ariba su lucha y resultado cu a trece un gran balor pa nos pais Aruba. Ta pa motibo di a logra uni nos pueblo, bringa pa un status autonomo cu a saca nos for di bou di Antias, a habri porta pa awe nos tin un pilar economico turistico, cu ta un di esnan mas fuerte y exitoso den Caribe henter. Naturalmente hopi otro lidernan a aporta den e lucha, y otronan a sigui



construi riba e logro grandi aki, pero nos no por lubida cu pa motibo di Betico dfm su perseverancia nos a logra bolter e blachi otro banda pa un comienso nobo na 1986.

Betico Croes, ta un estadista Arubano cu te cu awe ainda ta inspira nos. Mi deseo ta cu nos por comparti tur e storia documenta na un manera mas actual pa e generacion aki, pa nan tambe por disfruta di dje. Full e siman aki nos lo ta bishitando scolnan no pa

conta storia di un partido politico, sino di un persona, un Arubiano cu a destaca y sirbi su pais di un manera formidable. Te cu awe bo por nota e impacto cu su decision y pasonan tuma aña atras tin riba nos pais, nos partnernan den Reino Hulandes y tambe nos pueblo, y nos tin di comunica esaki na e studiantenan di awe. Personalmente mi ta convivi cu e ideologia y pensamiento cu Betico dfm a presenta, esta esun di: ta sincero den bo intencion, y no haci

nada pa bo propio interes. Algo cu den e era moderno ta birando un scarsedad y hopi dificil pa haya. Cu esaki mi no kiermen cu na Aruba no tin, sigur cu si, Arubianonan ta hende noble y servicial. Pero si nos no tene cuidou y inculca esaki mas fuerte e lo por sigui disminui.

Aruba a conoce diferente politico, di diferente partido. Ami personalmente ta tin admiracion pa defunto sr. Watty Vos, defunto sr. Benny Nisbet y tambe pa awe pensionado sr. Nelson Oduber. Tur di nan na nan mes manera a impacta e mente y curason di nos pais y nos mester siña cu como pueblo pa brinda nan e respet, apesar di nos pensamiento politico pa nan esfuerso y tempo dedica na sirbi Aruba y su comunidad. Si nos madura den un pensamiento cu ta traspassa politica, Aruba lo ta mas grandi y mas fuerte aun y segun mi, ta p'esey Betico dfm su mensahe tawata uno cu ta bay riba politica, y tambe riba un partido. Su mensahe a etala ariba un nivel mas halto,

un mensahe cu a busca pa uni un pais y conscientisa nan di e potencial cu ta scondi den nos suela.

Aruba por ta orguyoso di por a produci un yiu cu a sa di carga su pais, un lider cu den tur honestidad a splica den pleno campaña na su pueblo e seriedad y retonan su dilanti, a pesar di core e riesgo di perde un eleccion. Un persona cu a pone tur su tempo y esfuerso, pa logra e meta di un status nobo pa su pais. Awe, no solamente nos pero henter Reino Hulandes y region Latino Americano ta bon na altura di kende ta Betico y ken ta Aruba.

Awo nos tin e dificil tarea, pa mescos cu esnan cu despues di dje cu a percura di practica e ideologia aki, pa continua y aplica e ideologia di uni, respecta, lucha y sacrifica pa logra progreso pa Aruba su bienestar. Di curason ta mi deseo pa nos comunidad y nos hendenan aplica e balornan aki cada oportunidad cu presenta. Aruba, pabien awe riba dia di Betico!

Disfruta di Dia di Betico na MANA y siña di nos herencia cultural

MANA- Museo Arqueologico Nacional Aruba ta invita un y tur pa haci'e un bishita riba Dia di Betico entre 10'or di mainta pa 2 'or di merdia. Salanan di exposicion permanente ta habri pa publico. Arkeologo Raymundo Dijkhoff lo duna un presentacion tocante "Artefactonan di Oranjestad Antigo" y lo tin actividad creativo pa muchanan den esfera familiar. Entrada, presentacion y e actividad pa mucha ta gratis!

Pa 11'or di mainta arkeologo Dijkhoff lo duna un presentacion enfocando riba hayazgonan na 2010, unda antes un cas di gobernador tabata situa y awor Plaza Daniel Leo ta. Esaki tabata e prome biaha cu tabata tin hayazgo arkeologico na Playa. Tambe

lo duna informacion tocante hayazgonan arkeologico haci despues na entre otro Havenstraat, Royal Plaza, Arubus, Cocolishi y Fort Zoutman. Hayazgonan cu ta cubrimas cu 1000 aña di historia di Aruba, di e periodo Indjan y e periodo Europeo di e ultimo 300 aña. Lo elabora riba e uzo di Playa den Prehistoria y e periodo despues di 1700, incluyendo e nomber di Playa y Oranjestad. Pues un presentacion interesante cu un vision diferente di Playa/Oranjestad.

Prome y despues di e presentacion ta ofrece un pelicula educativo cortico "Un les pa Maiky" di Stichting Monumentenfonds Aruba pa muchanan den auditorio. Den hardin di museo

muchanan por haci obra di man, haya un "stempel di Indjan" y mayornan por relaha cu algo di bebe. Den sala di exposicion permanente publico por mira tambe un obra di arte di Osaira Muyale y un spiel antiguo cu tabata pertenece na famia Ecury.

Bini uno, bini tur pa disfruta gratuitamente di experiencianan ameno na MANA, cu e oportunidad pa siña algo nobo y interesante di nos herencia cultural. MANA ta ubica na Schelpstraat 42, den e compleho Ecury consistiendo di edificionan monumental y moderno. Actualmente e entrada ta via e edificio di glas (na banda) pa motibo di trabounan di mantencion y restauracion cu ta andando.



Resultado Sorteo <i>januari 23, 2023</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0643	3301	1875	4967
3245	6854	SUPER5	6114
1195	3056	-	9202
MERDIA	ANOCHI		
			Joker Letter
Sorteo # 3807	Sorteo # 7851	Sorteo #	Proximo Jackpot
5076	7540	0 x Jackpot	320.000,-
3858	4920	0 x Match 4+	
2773	5719	0 x match 4	
		0 x Afl. 12,00	
X2	X2		02-08-14-15-18
		Sorteo # 6013	Proximo Jackpot
Sorteo # 3807	Sorteo # 6895	0 x Jackpot	59.000,-
8405	5382	11 x Match 4	
		134 x Afl 8,00	
Sorteo # 1863	Sorteo # 1600		
1732	8417		Mega Ball:
		Sorteo #	Proximo Jackpot
Sorteo # 3807	Sorteo # 5654	0 x Jackpot	1.300.000,-
1335	1526	0 x match 4	
Aries	Aries	0 x Afl. 500,00	
		0 x Afl 50,00	
Sorteo # 681	Sorteo # 583	0 x Afl.15,00	Afl. 1.900.000,-
230	027		
X2	X2	Sorteo #	

Comision Celebracion Dianan Nacional ta informa:
Manifestacion Cultural y Acto Protocolar celebra den forma tradicional riba plaza na honor di nos Libertador Betico Croes



Comision Celebracion Dianan Nacional conhuntamente cu Ministerio di Cultura ta organisa un biaha mas e manifestacion cultural y ceremonia protocolar riba plaza Libertador Betico Croes enconexion cu Dia di Betico.

Manifestacion cultural ta tuma luga 24 di januari, for di 6 or di atardi, lo tin benta di cuminda, cos dushi y artesanaria local cu animacion di caha di orgel 'Olga' y Tipico Brindis. Pueblo ta wordo invita pa asisti.

Pa 8 or di anochi e programa oficial ta cuminsa hunto cu presencia di nos mandatario- y invitadonan. Lo tin discurso di Minister di Cultura, poesia, baile y un concierto cu nos artistanan local bou encargo di e maestro Raul Piar. E anochi ta clausura cu

presentacion di nos gran yiu di tera y musico internacional Robert Jeand'or y su Solo banda Show.

Diaranzon 25 di januari nos comunidad ta keda invita un biaha mas riba plaza Libertador Betico Croes pa e ceremonia protocolar cu discurso di Prome Minister, declamacion di poesia, canto di e grupo di koor Muchanan Sabi bao direccion di Edseline Figaroa y acompaña pa un grupo di musico guia pa e maestro Raul Piar. E Ceremonia protocolar ta cuminsa pa 9 or di mainta.

Den nomber di CCDN y Minister di Finansa y Cultura, Xiomara Maduro ta desea nos comunidad un Feliz Dia di Betico

Betico, danki pa stima nos pais.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 @classified@espnv.com



Dokter na warda
 Oranjestad San Nicolas
 Hospital Imsan
 7:00 pm / 10:00 pm 24 ora

SERVICIO PUBLICO
 Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

AUTO Y HERO BIEU
 Nos ta piki auto, airco y bateria
 bieu pornada. Frigidaire, stoof,
 wasmachin, tv ta 10,-.
 Yama 561 4597 / 561 5179
 Arubiano Balente

SERVICIO PUBLICO
 Handyman
 Pa trabou di verfmento
 plumbing tuberia, chapi,
 limpieza di cura, drecha mata
 Tel : 567 1108

Botica na warda
 Oranjestad: San Nicolas:
 Sta. Anna Aloe
 Tel. 586 8181 Tel. 584 4606
EMERGENCIA 911

SERVICIO PUBLICO
 Buscando auto pa huur y na bon
 prijs? yama nos
 Tel. 593 9953/ 593 8453

TA BENDE
 Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
 Cell whatsapp 567 2907

TA BUSCA
 Sra. entre 35 y 45 aña pa
 trabao di cas interna.
 Pa informacion yama
 Tel. 582 3023 / 593 8120

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

TA BENDE
 BBQ Grill tipo cilindro
 "criyoyo" duradero
 Prijs Afl.250
 Tel. 569 7787

TABENDE
 Stndmixer pa bolo Fl.45
 Candelabro di tres bela Fl. 25
 6 sombre Fl.5 cada un
 Tel.593 8120 / 582 3023

SERVICIO PUBLICO
 Limpiesa pa cas y auto
 Pressure wash cura di cas
 Laba muebles
 Laba tapijt
 Laba sienta di auto
 Laba vloer
 Tel. 593 9464

Cas Di Cultura
 Vondellaan 2 Aruba
 297-582-1010
F A D A
 Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O
 Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**
 Irenestraat 21 Aruba
 297-588-1179

**Fundacion Pa Nos
 Muchanan**
 Cumana 2 Aruba
 297-583-4247

**Fundacion Tel Pa
 Hubentud**
 Wilhelminastraat 19
 Aruba
 297-588-6138

**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999

Rode Kruis Aruba
 Pedro Gallegostraat 14
 Tel.297-582-2219
 Fax 588-3376

Famia Planea (SBVO)
 Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.com

**Stichting Fundacion
 Guia Mi**
 George Madurostraat 34
 297-582-0088

Y M C A
 Calbasstraat 1 Aruba
 297-582-3072

AL-ANON group
 Sabana Liber #8, Noord
 (close to the hotels)
 Tel: 736-2952 or
 593-7081

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi
**Aruba Transfer Tour &
 Taxi C.A.**
 Tel: 582 2116 / 582 2010
Taxi Adres Services (24h)
 Tel. 587 5900
A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

SERVICIO PUBLICO
 Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
 Call 592 5766

SERVICIO PUBLICO
 Sra. ta haci cas y negoshi limpi
 tambe por cuida baby y hende
 grandi part time y full time
 Tel. 740 7573

SERVICIO PUBLICO
 Pa trabou di data-entry of
 update di bo administracion pls
 contact:
 Tel.5682339

SERVICIO PUBLICO
 Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
 Tel : 746 0518 / 569 7539

SERVICIO PUBLICO
 Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
 Tel. 569 7539 / 746 0518

SERVICIO PUBLICO
 Mi ta ofrece servicio di
 electricista en general corto
 circuito y mantencion
 Tel.566 5026

Sushi den cura?
 Ta piki sushi cu pick-up
 grandi pa Afl 75,= pa buelta.
 Yama nos na
 561 4297 of 561 5179
 Hasi Aruba Limpi.

SERVICIO
 Unified One Events
 Photos , films, wedding
 Tel. 749 2533

TA HUUR
 Un camber cu tur cos inclui na
 Brikstraat 1
 Tel.564 1979

TA BENDE
 Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

SERVICIO PUBLICO
 Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
 Tel.563 4168

SERVICIO PUBLICO
 Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

SERVICIO PUBLICO
 Mi ta cuida mucha " baby sister".
 Mi tin bon experiencia
 y bon cuidado
 Te. 562 5941

SERVICIO PUBLICO
 Nos ta haci trabou di
 plomeria, electricidad,
 hardineria incluye hiba sushi
 Handy man.
 Tel.742 6250

SERVICIO PUBLICO
 Mi ta ofrece pa cuidado di mucha
 di dialuna pa diabierna y
 weekend. Pa informacion
 Tel. 558 7310

SERVICIO PUBLICO
 Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
 Tel. 740 6591

SERVICIO PUBLICO
 Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
 Tel. 564 1979

SERVICIO PUBLICO
 Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
 Tel. 738 1908

SERVICIO PUBLICO
 Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 / 737 3993

SERVICIO PUBLICO
 Pa haci trabou di verf y chapi,
 tur mantencion di pafor di cas
 Yama y puntra pa Benito na
 Tel.630 5185

SERVICIO PUBLICO
 Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
 563 4828 / 5679610

SERVICIO PUBLICO
 Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 / 737 3993

TA BUSCA
 trabou pa haci cas limpi,
 negoshi of oficina
 Tel.561 3910

TA BENDE
 EHyundai Tucson den bon
 condicion 4 porta, automatic,
 airco. Bouwjaar 2007
 Hopi bon prijs
 Contact whatsapp
 + 297 593 9123

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Pero esnan cu confia den señor lo haya forsa renoba, ma lo bula bay ariba cu hala manera Aguila. Nan ta cana sin cansa, nan ta cana sin perde rosea.

Isaias 40: 31

Cu dolor na nos curason, nos ta participa fayecimento inesperadamente di nos ser stima:



Austin David Illes

* 28-11-1998 - † 13-01-2023
"WEAKNESS IS A CHOICE"

Na number di:

Su Mayornan: Joseany Geerman y Marcel Illes

Su Ruman: Justin Illes y Valerie Sanglay

Su Welanan:

† Alfred "Eddy" Geerman y Calista Geerman - La Rosa

† William "Wim" Illes y Myrna Illes - Curie

Su Omo y Tantan: Adelin Trimon - Geerman y Randal "Randy" Trimon

Andre Geerman y Melissa Geerman - Lacle

Jearitza Geerman

Eric Illes

Laetitia "Titia" Illes

† William Illes y Greta Illes - Paesch

† Theodora "Thea" Illes

Betty Werleman

Su Primo y Primanan: Abigail, Randerly, Randall Trimon, Isaac Geerman y Angie Koolman, Isalys y Isaquienne Geerman, Demis Illes y yuinan, Roderic Illes y Nohely Sanchez y yuinan, Rosabelle Illes, Yannick Boeldak y Dion Schoppema, Kevin Kock y Karen Kock y yuinan, Raquelle Reeberg y Alberto Grovell y yui, Dennis Reeberg

Su Brother Chikito nan: A'dreon y A'drian

Su Mascota di cas: Dexter "Doggy Boy" y "Baby Quito"

Su Madrina: Adelin Trimon-Geerman

Su Padrino: † William "Willy" Illes

Su Padrino di Confrimacion: Signald "Chai" Curie Mihor Amigo y Amiganan: Eion Tromp, Raynor Henricus, Rowald Loopstok, Megan Gomez, Shaquil Kelly, Warren Maduro, Giomar Nuñez, Chamyl de Cuba, Marvin Marugg, Christen Goeloe y Shawn Gordon

Best friends: Estephanie Henriquez, Rolando Ras y Richinell Maduro

Y demas Famia: Geerman, Illes, La Rosa, Curie, Trimon, Lacle, Kock, Schoppema, Boeldak, Henriquez, Tromp, Kock, Maduro, Croes, Thode, Werleman, Vrolijk, Sanchez, Hermina, Curiel, Danje, Reeberg, Paesch, Sanglay, Richardson, Arrindell y demas famia na Curaçao, Bonaire, Hulanda y Colombia.

Ta invita tur famia, amigo, bisinja, coleganan di KPA, Departamento di Dialyse HOH Y `IMSAN y conocirnan pa asisti na anochi di condolencia dia 23 di januari 7or pa 9or di anochi y Acto di entiero lo tuma lugar dia 24 di januari 2023 na Aurora Funeral Home di 1or pa 4or. Pa 3.30 pm lo tin un response. Despues lo hiba nos defunto stima pa reposa na Santana Catolico de Vries na Santa Cruz.

Nos ta pidi nos disculpa si den nos tristeza nos por a lubida un of otro number.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, pues mi n' tin falta di nada." Psalm 23:1

"Laga mi musica sigui alegre boso curason."

Cu inmenso tristeza den nos curason, pero conforme cu boluntad di Dios, nos ta anuncia fayecimento cristianamente di:



Albert Osric Croes

*28 maart 1961 - †19 januari 2023

Na number di

su mayornan:

Carlos F. Croes y Berta (Betty) Croes-Croes

su yuinan:

Steshka Willems-Croes y Randolph Willems Brannon Croes

su rumannan:

Charles Francis Croes y Karina Croes-Eman Arlene Wever-Croes y David Wever

su (sobre)sobrino- y sobrinanan:

John Charles (JC) Croes Charine Solognier-Croes y Arnold Solognier, Zachary y Alayna

Jolene Wever

Krystelle Wever y famia

Curtney Wever

su con-suegronan:

Rudolf, Helen Willems y famia

manera ruman:

Ann Willems-Eman y famia

Ady Toppenberg

Laureen Eman y famia

Riri Botta y famia

Yerushah de Cuba-Henriquez

Patrick Henriquez

Lino Vrolijk

su padrino y madrina:

† Everaldo Croes

Violeta Lampe-Croes

mama di su yuinan

Mylène Henriquez y famia

su amigonan musical

amigonan di Grupo Departure, amigonan di grupo Definition,

Nicola Grigoriu Gut, Ruthy Vrieswijk, Mario

Middendorp, Papito Rafael, Ebby Peterson, Juan

Tromp, Doodle Sophia, ex-coleganan di Scol

di Musica Rufo Wever, Vivian Lampe, Landa

Henriquez, Maybelline Arends-Croes, Roy Sneek,

Daniel Werleman, Catherine Provence y esposo,

Anthony Croes, Francis Oduber, Franklin Tromp,

Michael Odor, Chichi y Axel. Nos ta pidi disculpa si

nos por a lubida un of mas amigo of amiga musical.

omo- y tantanan, primo- y primanan y demas

amigo- y amiganan, famia y conocirnan.

Ocasion pa condolencia y acto di entiero lo tuma lugar diamars, 24 di januari 2023 na Misa Inmaculada Concepcion y despues pa Santana de Vries na Santa Cruz di 1'or pa 4'or di atardi.

Ta lamenta cu despues di entiero no ta ricibi bishita di condolencia na cas. Nos ta pidi disculpa si den nos tristeza por a lubida un of otro famia of amistad.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Your dead will live. My corpses will rise up. Awake and shout joyfully, You residents in the dust! For your dew is as the dew of the morning, And the earth will let those powerless in death come to life - ISA 26:19

Cu inmenso tristesa pero agradecido pa loke ela nifica pa nos, nos kier a anuncia fayecimento di nos estimada casa, mama, ruman, tanta y wela



Ingrid Susanna Kemp-Cordilia

24-05-1949 - 18-01-2023

Na number di su

Esposo: Stanley J. Kemp (ex-Bus 36)

Yiu: Samuel K.J. Kemp I esposa

Nieta: Gysilla A. Kemp

Rumanan:

Arnolda Paulina I famia

Yvonne Domatilia I famia

Franklyn Domatilia I famia

Marelda Scholten I famia

Kenneth Domatilia I famia

Sidney Domatilia I famia

Marianella Montroos I famia

Rusgarda Slijkhuis I famia

Swa/Cuñanan: Myrna Kemp I famia

Melva Kemp I famia

Rudy Kemp I famia

Helena Kemp I famia

Ullyses Kemp I famia

Su rumanan Cristian di Congregashon di Testigonan di Jehovah (jw.org)

Subrino I subrinanan, Primo I primanan - amiga I amigunan - I demas famia I conocirnan na Aruba - Curacao - St. Maarten - Merka - Hulanda- Zweden.

Despensa nos si den nos tristesa por a lubida di menciona algún famia

Envez di flor of krans lo aprecia un donashon na Wilhelmina Kanker Fonds

Acto di Cremashon a tuma lugar den seno familiar diasabra 21 di January 2023

Acto di Despedida/ Condolencia lo tuma lugar diamars 24 January 2023 di 7pm pa 9pm na Royal Funeral Home. E discurso Biblico ta di 7:30 pa 8:00.

Nos ta lamenta ku despues di despedida nos no ta risibi bishita di condolencia na cas



“Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon, mi por stens di
loke Señor ta hasi”
Salmo 33

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cu dolor na nos curason, nos ta
participa fayecimento di nos ser stima:

Sra. Felecita M. Wester
Cariñosamente yama “Nana of Chichi”
*17-07-1934 - †16-01-2023



Na number di su:

Yiunan:
Rolando & Margareth Arrindell y yiunan
Rudi Arrindell y yiunan
Gladys Arrindell y yiunan
Harold Arrindell
Lourdes Arrindell y yiunan
Nieto(a)nan:
Carla y Mike Arrindell-Jones y yiunan
Ryan Arrindell
Ruella Arrindell y Ryan Martis
Joshua y Maryleen Arrindell y yiu
Rishalka Tromp y Joel Orman y yiunan
Rowson Tromp
Jerry “Kai-fu” Chai
Abisha Chai
Bisnieto(a)nan:
Isaac y Lucas Arrindell-Jones
Elisse Arrindell
Raizen Faneyte y Shiloh Orman

Demas ruman, sobrino- y sobrinanan, primo- y primanan, amigo- y
amiganan, bisñanan y conocirnan.

Ta invita pa acto di condolencia y despedida cual lo tuma lugar na Aurora
Funeral Home diamars 24 di januari 2023 di 7’or pa 9’or di anochi.
Cremacion lo tuma lugar despues den seno familiar.

Disculpa nos si den nos tristesa nos por a lubida algun famia of conocir.





Savaneta Gas Station
ta desea e comunidad di Aruba un

Feliz dia di Betico

Savaneta 121-B | Tel. 584 7490 | Email SavanetaGasStation@outlook.es



Netamente Criyoyo!
4 generashon
di comerciante local...
Mo Chimi, Max, Dadou,
Karine y Paul
Ta desea pueblo di Aruba
un Felis Dia di Betico

